

## Das Erste Buch

Dennnach im Jahr 715. auff den Palmsontag haben sie auch durch List vnd Beystand der Jüden / diese herrliche vnd gewaltige Stadt Tolet bekommen. Von welcher Gewalt vnd Tyrannen Alphonsus der V. I. dieselbige errettet/gefreyet/ vnd die Christliche Religion wider gepflanzet vnd erbauet hat/ im Jahr nach Christi Geburt 1093. Gleich wie das Vaseris ex codice Alchobactensi, vnd andern sehr alten Büchern anzeigt. Bissher Saur.

## Das IX. Capitel.

### Des Nachts zu schen wie am Tage?

**N**un wil sagen/wenn man die Augen mit dem Blut einer Fledermaus bestreichet / so soll man des Nachts so wol sehen/als am Tage. Obs aber wahr sey/ Ekan ich nicht wissen/denn ichs noch nicht versucht/ aber gleichwol schreibt Alb. Magn. \* de mirab. mundi hisce verbis: Si vis videre rem submersam & profundam in nocte, & non occultetur tibi plus quam in die, & leges libros de nocte nigra. Vnge faciem cum sanguine vespertilionis, & erit quod dico. Suetonius schreibt/daz der Reyser Tyberius bey Nacht im finstern wie eine Rabe hat sehen können.

Item / Michaël Neander in seiner Physica schreibt/daz er einen gekennet/welcher bei Nacht ohne Liecht hat lesen können.

\* Effecisse legitur media hyeme, ut arbores, reliquaque humi nascentia germinarent.

Hierauff folget/wie man machen soll/daz man zu Nacht ohne Liecht schreiben / oder andere Geschäfte verrichten kan?

Es schreibt der hocherfahrene Herr Gabriel Fallopius Med. D. in seinem Kunßbuche lib. 3. durch Hieremiam Martium Med. D. auf